

ILUARSISSUT
Siunnersuut ullulerneqartoq 21.august 2009 taarserpaa

(Saqqummiussisut imarisamigut iluarsiivigineqarpoq. Taakku saniatigut taamaallaat teknisk-mik iluarsiisoqarsimavoq)

Uunga siunnersuut: Meeqyanut tapiissutit pillugit Inatsisartut inatsisaat nr. xx, xx qaamat 2009-meersoq

(Isumaginninnermut Naalakkersuisoq)

Saqqummiussisut

(Isumaginninnermut Naalakkersuisoq)

Siullermeerneqarnera

Isumaginninnermut Naalakkersuisoqarfik sinnerlugu meeqyanut tapiissutit allanngortinnejnarnerat pillugu inatsisissatut siunnersuut matumani saqqummiussinnaagakku nuannaarutingaara. Meeqyanut tapiissutit qaammatikkaartumik qinnutigeeqqaarnagit tunniunneqartarnissaat siunnersuutigineqarpoq. Malittarisassat atuuttut malillugit meeqyanut tapiissutit qinnutigineqarnerat tunngavigalugu qaammatit pingasukkaarlugit tunniunneqartarput.

Inatsisissatut siunnersummut tunngaviuvoq, angajoqqaat isumaqartaramik meeqyanut tapiissutit tunniunneqartarnerat ingerlaannartartoq qinnuteqarnissaminnilluunniit puigortarnerat pissutigalugu meeqqat tapisinissaminnik annaasaqartarnerat. Meeqyanut tapiissutit meeqqamut iluaqutaapput, angajoqqaallu qinnuteqarnissaminnut puigortarnerat apeqquaasariaqarnani. Ilaqtariippaaluit maannakkut pisinnaatitaaffimminnik annaasaqartarput, puigornertik imaluunniit malittarisassanik ilisimasaqannginnertik pissutigiinnarlugu.

Meeqyanut tapiissutinik qaammatikkaartumik tunniussalernissami siunertaavoq, pisartaqartunut oqinnerulernissaa, taamaalillunilu ukioq naallugu meeqqat pisariaqartitaat patajaatsumik ingerlaavartumillu tunniunneqartalissammata, tassami ukiumut aningaasat aqqaneq marlorarlutik tunniunneqartalissagamik sisamariaannarnatik.

Ilaqtariit isertitakinnerutillugit, meeqqat pilersorniarnerat ajornarnerusarpoq. Taamaattumik meeqyanut tapiissutit naatsorsorneranni suli isertitat akileraaruteqaataasussat tunngavigineqartarput, angajoqqaallu isertitakinnerusut tassaasartussaallutik meeqyanut tapiissutinik pisartagaqartuusut. 1. juli 2008-miit meeqyanut tapiissutit qaffariangaatsiarput, aningaasartaalu ima atsigilerput qaammatikkaarlugit tunniunneqarluarsinnaallutik.

Taamaattumik meeqyanut tapiissutit allanngortinnejnarnerat pillugu inatsisissatut siunnersuutip siuliani taaneqartut tunngavigalugit Inatsisartunit akuerineqarnissaa inassutigaara.

Taamatut oqaaseqarlunga siunnersuut ilassilluarneqarluni Inatsisartuni oqaluuserineqartussangorlugu ingerlateqqippa.

